



## **education**

**Lefapha la Thuto la Bokone Bophirima  
Noord-Wes Departement van Onderwys  
North West Department of Education  
NORTH WEST PROVINCE**

### **PROVINCIAL ASSESSMENT**

**MOPHATO 10**

**SETSWANA PUO YA GAE (HL)**

**PAMPIRI YA BORARO(P3)**

**NGWANAITSEELE 2019**

**MEMORANTAMO**

**MADUO: 100**

**Memorantamo o, o na le ditsebe di le 13.**

## Memorantamo–Mophato 10

**KAROLO YA A : RUBORIKI YA GO TSHWAYA TLHAMO YA PUO YA GAE (MADUO a le 50)****ELA TLHOKO**

- Dirisa ruboriki ka gale fa o tshwaya tlhamo ya boithamedu (Pampiri 3. KAROLO YA A).
- Maduo a go tloga go 0-50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

<b>Ditlhokego</b>		<b>Phitlhelelo ka dinaledi</b>	<b>Phitlhelelo ka matsetseleko</b>	<b>Phitlhelelo ka tekano</b>	<b>Phitlhelelo e e tlaelang</b>	<b>Ga a fitlhelela</b>
<b>DITENG LE IPAACKANYO</b> (Tsibogelo le dikakanyo) Thulaganyo ya dikakanyo tsa ipaackanyo Temogo ya maitlthomo, baamogedi le bokao <b>30 MADUO</b>	<b>Maemo a kwa godimo</b>	<b>28-30</b>	<b>22-24</b>	<b>16-18</b>	<b>10-12</b>	<b>4-6</b>
		-Tsibogelo ya maemo a a kwa godimo go gaisa a a tlwaelegileng. - Dikakanyo tse di bothale, tse di gwetlhang mogopolo le go supa kgolo. - E rulagantswe le go lomagana ka maemo a dinaledi go tsenyeletsa matseno, mmele le bokhutlo.	- Tsibogelo e e tshamilweng ka matsetseleko. - Dikakanyo tse di maleba tota gape di kgatlhisa le bosupi jwa kgolo. - E rulagantswe bontle thata le go lomagana go tsenyeletsa matseno, mmele le bokhutlo.	-Tsibogelo e e itumedisang. - Dikakanyo di lomagane mo go thaloganyegang e bile go kgotsofatsa. - E rulagane le go lomagana mo go thaloganyegang go tsenyeletsa matseno, mmele le bokhutlo.	-Tsibogelo ya tomagano e e sa tthomamang. - Dikakanyo tse di sa tthapang e bile di se na boithamedu. - Bosupi jo bonnye jwa thulaganyo le tomagano.	-Tsibogelo e e seng maleba gotlhelele. - Dikakanyo tse di tlhakatlhakane le go tlhoka tsepamo. -Di gasagane le go boelediwa. - Ga e a rulagana e bile ga e a lomagana.
	<b>Maemo a kwa tlase</b>	<b>25-27</b>	<b>19-21</b>	<b>13-15</b>	<b>7-9</b>	<b>0-3</b>
		- Tsibogelo e e manonthotho mme e tthaela ditlhokego tse di tsibosang tsa tlhamo ya maemo a dinaledi. - Dikakanyo tse di bothale e bile di supa kgolo. - E rulagantswe ka matsetseleko le ka tomagano go tsenyeletsa matseno, mmele le bokhutlo.	- Tsibogelo e e tshamilweng ka matsetseleko. - Dikakanyo tse di maleba gape di kgatlhisa. - E rulagantswe bontle le go lomagana go tsenyeletsa matseno, mmele le bokhutlo.	- Tsibogelo e e itumedisang mme e latlhegelwa ke go thaloganyesega. - Dikakanyo di lomagane le go kgotsofatsa. - Maemo a a rileng a thulaganyo le tomagano go tsenyeletsa matseno, mmele le bokhutlo.	- Bogolo jwa tsibogelo ga bo maleba. - Dikakanyo tse di sa lomaganeng e bile di tlhakatlhakane. - Ga go na bosupi jwa thulaganyo le tomagano.	- Ga go na maiteko a go tsibogela setlhogo. - Dikakanyo tse di seng maleba e bi le di sa siama gotlhelele. - Ipaakanyo e e sa tsepamang e bile e tlhakatlhakane.

## Memorantamo–Mophato 10

## RUBORIKI YA TLHATLHOBO YA TLHAMO YA PUO YA GAE [ MADUO a le 50] (tsweletso)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<b>PUO, SETAELE LE GO TSELEGANYA/ RUNA</b>  Segalo, rejisetara setaele le tlotlofoko tse di maleba go maikaelelo/ditlamorago le bokao  Tlhopho ya mafoko  Tiriso ya puo le melawana, tiriso ya matshwao a puiso, thutapuo le mopeleto  <b>15 MADUO</b>	<b>Maemo a kwa godimo</b>	<b>14-15</b>  - Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo.  - Puo e e tshololo, e itumedisa ka maemo a a tshaolegile.  - Segalo se se nang le maikaelelo a a tlotlofoko.  - Ga go na diphoso tsa thutapuo le tsa mopeleto ka gotlhe.  - Puo e e manontlotloho ya maemo a a kwa godimo.	<b>11-12</b>  - Segalo, rejisetara, setaele le tlotlofoko di maleba thata le maikaelelo, baamogedi le bokao.  - Puo e nonofile le tiriso ya segalo e maleba.  - Bogolo jwa yona ga bo na diphoso tsa thutapuo le mopeleto.  - Puo e tshamilwe ka matsetseleko.	<b>8-9</b>  - Segalo, rejisetara, setaele le tlotlofoko di maleba le maikaelelo, baamogedi le bokao.  - Tiriso e e maleba ya puo go tshagisa bokao. -Segalo se maleba.  - Tiriso ya malepa a a tlotlofoko ya go tshagisa diteng.	<b>5-6</b>  - Segalo, rejisetara, setaele le tlotlofoko ga di maleba le maikaelelo, baamogedi le bokao.  - Tiriso ya puo ke ya maemo a motheo thata.  - Segalo, tlhopho le tiriso ya mafoko e e seng maleba.  - Tlotlofoko e lekanyeditswe thata.	<b>0</b>  - Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao.  - Tlotlofoko e nnye thata mme e dira gore go nne thata go tshaganya.  - Puo ga e tshaganyesega.
		<b>KAGEGO</b> Diponagalo tsa sethangwa  Kago ya ditemana le go tshangwa ga dipolelo  <b>5 MADUO</b>	<b>Maemo a kwa tlase</b>	<b>12-13</b>  - Puo e e matsetseleko ya tlotlofoko e e nonofileng mo segalong.  - Ga e na diphoso tsa thutapuo le tsa mopeleto ka gotlhe.  - E tshamilwe ka manontlotloho.	<b>10</b>  - Puo e e ngokang e bile e nonofile ka kakaretso.  - Segalo se se siameng se nonofile.  - Diphoso tse di mmalwa tsa thutapuo le mopeleto  - E tshamilwe bontle	<b>7</b>  - Tiriso ya puo e e mo magareng, ka go tshoka tsepamo.  - Segalo se siame ka kakaretso le tiriso e e lekanyeditsweng ya malepa a tlotlofoko.
<b>5</b>  - Kago e e manontlotloho ya setlhogo.  - Dintlhana tse di tshaolegile.  - Dipolelo, ditemana di bopilwe bontlentle.	<b>4</b>  - Kago e e latelanang ya dintlhana.  - E lomagane  - Dipolelo, ditemana, di latelana, di a farologana.			<b>3</b>  - Kago ya dintlhana tse di maleba.  - Dipolelo, ditemana tse di bopilweng sentle.  - Tlhamo e sa ntse e tshaganyega.	<b>2</b>  - Go na le dintlha dingwe tse di amogelesegang.  - Dipolelo le ditemana di fosagetse.  - Tlhamo e sa ntse e na le tshaganyego.	<b>0-1</b>  - Dintlha tse di bothokwa di a tshaela.  - Dipolelo le ditemana di fosagetse.  - Tlhamo e tshoka tshaganyego.
<b>SEELO SA MADUO</b>		<b>43-50</b>	<b>33-40</b>	<b>23-30</b>	<b>13-20</b>	<b>0-10</b>

## Memorantamo–Mophato 10

**RUBORIKI YA TLHATLHOBO YA SETLHANGWA SA TIRISANO SA PUO YA GAE [25 MADUO]**

<b>Ditlhokego</b>	<b>Phitlhelelo ka dinaledi</b>	<b>Phitlhelelo ka matsetseleko</b>	<b>Phitlhelelo ka tekano</b>	<b>Phitlhelelo e e tlhaelang</b>	<b>Ga a fitlhelela</b>
<b>DITENG, THULAGANYO LE SEBOPEGO</b>  - Tsibogelo le dikakanyo - Kokoanyo ya dikakanyo gore go rulanganngwe - Maitlhommo, baamogedi, diponagalo/melawana le tiriso  <b>MADUO 15</b>	<b>13-15</b>  - Tsibogelo ya maemo a a kwa godimo go gaisa se se lebeleletsweng ka gale.  - Dikakanyo tse di botlhale, tse di gamogileng. - Kitso e e tseneletseng ya diponagalo tsa mofuta wa setlhangwa - Kwalo e e tsepameng.  -Diteng le dikakanyo di lomagane. - Tlhaloso ya maemo a a kwa godimo e bile dintlha tsotlhe di tshegetsang setlhogo.  - Sebopego se se maleba gape e nepagetse.	<b>10-12</b>  - Tsibogelo e ntle tota e e bontshang kitso e ntle ya diponagalo tsa mofuta wa setlhangwa.  - E tsepame, ga e a fopoga setlhogo.  - Diteng le dikakanyo di lomagane, dintlha tse di thadisitsweng sentle gape di tshegetsang setlhogo.  - Sebopego se se lolameng ka diphoso tse dinnye.	<b>7-9</b>  - Tsibogelo e e lekaneng e e bontshang kitso ya diponagalo tsa mofuta wa setlhangwa.  - Ga e a tsepama ka gotlhe go na le go eta e fopoga mo setlhogong.  - Diteng le dikakanyo di lomagane mo go utlwalang. - Dintlha dingwe di tshegetsang setlhogo  - Sebopego se se maleba ka kakaretso fela go na le go sa nepagale go go rileng.	<b>4-6</b>  - Tsibogelo e e kwa tlase e e supang kitso ya diponagalo tsa mofuta wa setlhangwa.  - Go na le tsepamo e e rileng mme kwalo e fapogile setlhogo.  - Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo.  - Tiriso e e phatlaletseng ya melawana ya sebopego. - Go tlodisiwa ga matlho go go tseneletseng.	<b>0-3</b>  - Tsibogelo e senola go tlhoka kitso ya diponagalo tsa mofuta wa setlhangwa  - Bokao jo bo kgoreletsegileng ka go fapoga setlhogo go go feteletseng.  - Ga go na tomagano ya diteng le dikakanyo.  - Ke dintlha di le mmalwa fela tse di tshegetsang setlhogo.  - Ga go a dirisiwa melawana ya sebopego.
<b>PUO, SETAELE LE GO TSELEGANYA/ RUNA</b>  - Segalo, rejisetara, setaele, maitlhommo, baamogedi le tiriso - Tiriso ya puo le melawana - Tlhopho ya mafoko - Matshwao a puo le mopeleto  <b>MADUO 10</b>	<b>9-10</b>  - Segalo, rejisetara, setaele le tlotlofoko tse di maleba thata le maitlhommo, baamogedi le tiriso  - Thutapuo e nepagetse e bile e agegile sentle.  - E e se nang diphoso gotlhelele	<b>7-8</b>  - Segalo, rejisetara, setaele le tlotlofoko tse di lolameng thata le maitlhommo, baamogedi le tiriso.  - Thutapuo e nepagetse ka kakaretso e bile e agegile sentle.  - Tlotlofoko e e siameng tota. - Ga go na diphoso go le go golo.	<b>5-6</b>  - Segalo, rejisetara, setaele le tlotlofoko di maleba le maitlhommo, baamogedi le tiriso.  - Go diphoso dingwe tsa thutapuo.  - Tlotlofoko e e lekaneng.  - Diphoso ga di kgoreletse bokao.	<b>3-4</b>  - Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso.  - Thutapuo e e sa lolamang ka diphoso tse dintsi.  - Tlotlofoko e e lekanyeditsweng. - Bokao bo kgoreletsegile.	<b>0-2</b>  - Segalo, rejisetara, setaele, tlotlofoko ga di tsamaisane le maitlhommo, baamogedi le tiriso.  - E phephetha ka diphoso gape e tlhakathakane.  - Tlotlofoko ga e maleba go maitlhommo.  - Bokao bo kgoreletsegile tota.
<b>SEELO SA MADUO</b>	<b>22-25</b>	<b>17-20</b>	<b>12-15</b>	<b>7-10</b>	<b>0-5</b>

## **KAROLO YA A: TLHAMO**

### **POTSO 1**

#### **Motlhatlhojwa o tshwanetse go araba potso e le NNGWE.**

##### **1.1 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo: **Motshameko o ke o ratang go gaisa.**

**Dintlha tse di latelang di tshwanetswe go elwa tlhoko fa go tshwaiwa tlhamo ya kanelo.**

- Ditiragalo di tshwanetse go latelana sentle, mme mmuisi a dumele gore di diragetse le fa tota e le dijo tsa ditoro.
- Matseno e nne a a ngokang.
- Tlhamo e kwalwe ka paka e e fetileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Go tshwanetswe ga elwa tlhoko gore mofuta o wa tlhamo o a anela.

**Se se lebeleletsweng mo motlhatlhojweng:**

- Motlhatlhojwa a tshalose sengwe ka mokgwa o mmuisi a tlaa itemogelang se se tshalosiwang jaaka go batlega.
- A bope setshwantsho ka mafoko a a a filweng.
- A tthagise ditiragalo tse di senolang maikutlo a gagwe tebang le motshameko o a o ratanag go gaisa.
- Motlhatlhojwa a tlihophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.

**[50]**

##### **1.2 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo: **Letsatsi le ke neng ka beelwa thoko ka lona.**

**Dintlha tse di latelang di tshwanetswe go elwa tlhoko fa go tshwaiwa tlhamo.**

- Ditiragalo di tshwanetse go latelana sentle, mme mmuisi a dumele gore di diragetse le fa tota e le dijo tsa ditoro.
- Matseno e nne a a ngokang.
- Tlhamo e kwalwe ka paka e e fetileng.
- Bokhutlo e nne jo bo kgodisang.

## Memorantamo–Mophato 10

- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Go tshwanetswe ga elwa tlhoko gore mofuta o wa tlhamo o aanela.

**Se se lebeletsweng mo motlhatlhojweng:**

- Motlhatlhojwa a tshalose sengwe ka mokgwa o mmuisi a tlaa itemogelang se se tshalosiwang jaaka go batlega.
- A bope setshwantsho ka mafoko a a a filweng.
- A tlhagise ditragalo tse di senolang maikutlo a gagwe tebang le go beelwa thoko ga gagwe le seo se dirileng gore a beelwe thoko.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.

[50]

**1.3 Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

**Setlhogo: Fa nka nna motsamaisi wa matlole a go thusa bana ba ba tlhokang.**

**Dintlha tse di latelang di tshwanetswe go elwa tlhoko fa go tshwaiwa tlhamo ya maitlhamo.**

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.
- Karolo e kgolo mo tlhamong e ka tshalosa. Ditlhaloso di tshwanetse go bonala, maikaelelo e le go tlhagisa maikutlo a motlhatlhojwa.
- Dikakanyo/megopolo/maikutlo di tshwanetse go senola boammaaruri le maitemogelo.

**Se se lebeletsweng mo motlhatlhojweng:**

- Setlhogo se a itlhophetseng sona.
- Tlhaloso ya setlhogo.
- A tlhagise dikeletso/maikaelelo ka dithuso tsa gagwe.
- Bokhutlo jo bo maleba.

[50]

## Memorantamo–Mophato 10

**1.4 Tlhamo ya ngangisano**

Mofuta o wa tlhamo o tlhagisa ngangisano e e lekalekanang go emela kgotsa go nna kगतलhanong le sengwe se setlhogo se buang ka ga sona, kemo ya mokwadi e tlhagisiwa fela kwa bokhutlong.

Setlhogo: **Go nna thari kwa sekolong o bo o tswalelwa kwa ntle ga dithuto go a thusa.**

**Dintlha tse di latelang di tshwanetswe go elwa tlhoko fa go tshwaiwa tlhamo e e sa tseyeng letlhakore.**

- Tlhamo e itshupe ka go lekalekana.
- E tlhagise matlhakore a mabedi a a farologaneng a ngangisano e e rileng.
- Puo e nne e e tsosang maikutlo.
- Maikutlo a nne le seabe sa botlhokwa.
- Ngangisano e dire tlhaloganyo e e utlwalang.
- Bokhutlo bo supe kemo ya mokwadi.

**Se se lebeletsweng mo motlhatlhojweng:**

- Setlhogo se a itlhopetseng sona.
- Tlhaloso ya setlhogo.
- A tlhagise tseo di ka dirwang go tokafatsa go se tsene thari le go salela morago ga dithuto.
- A tlhagise matlhakore a mabedi ka kgang e.
- A tshegetse matlhakore a mabedi ka dikao.
- A tlhagise dintlha le kemo ya gagwe kwa bokhutlong.

[50]

**1.5.1 Tlhamo ya kanelo/Tlhaloso**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo: **Setshwantsho**

**Dintlha tse di latelang di tshwanetswe go elwa tlhoko fa go tshwaiwa tlhamo.**

- Ditiragalo di tshwanetse go latelana sentle, mme mmuisi a dumele gore di diragetse le fa tota e le dijo tsa ditoro.
- Matseno e nne a a ngokang.
- Tlhamo e kwalwe ka paka e e fetileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.

## Memorantamo–Mophato 10

- Go tshwanetswe ga elwa tlhoko gore mofuta o wa tlhamo o a anela.

**Se se lebeletsweng mo motlhatlhojweng:**

- Motlhatlhojwa a tlhalose sengwe ka mokgwa o mmuisi a tlaa itemogelang se se tlhalosiwang jaaka go batlega.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle. **[50]**

## 1.5.2

**Tlhamo ya kanelo/Tlhaloso**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo mathakoreng a a farologaneng.

Setlhogo: **Setshwantsho**

**Dintlha tse di latelang di tshwanetswe go elwa tlhoko fa go tshwaiwa tlhamo ya kanelo/Tlhaloso.**

- Ditiragalo di tshwanetse go latelana sentle, mme mmuisi a dumele gore di diragetse le fa tota e le dijo tsa ditoro.
- Matseno e nne a a ngokang.
- Tlhamo e kwalwe ka paka e e fetileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Go tshwanetswe ga elwa tlhoko gore mofuta o wa tlhamo o a anela.

**Se se lebeletsweng mo motlhatlhojweng:**

- Motlhatlhojwa a tlhalose sengwe ka mokgwa o mmuisi a tlaa itemogelang se se tlhalosiwang jaaka go batlega.
- A bope setshwantsho ka mafoko a a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.

**[50]****PALOGOTLHE YA KAROLO YA A: 50**



## Memorantamo–Mophato 10

**KAROLO YA B: DITLHANGWA TSA TIRISANO****POTSO 2**

**Motlhatlhojwa o tshwanetse go araba dipotso tse PEDI fela.**

**2.1 LEKWALO LA BOTSALANO**

Lekwalo la botsalano ke le le kwalelwang motho mongwe yo o rileng e ka nna wa losika kgotsa tsala go tlhaeletsana jaaka go leboga, itsise, kopa, keleetso masego jalojalo.

**Dintlha tse di tshwanetseng go elwa tlhoko fa go tshwaiwa lekwalo la botsalano:**

- Lekwalo le, le le khutshwane, le neela dintlhakgolo ka se go buiwang ka sona.
- Le supe maikutlo a gagwe fela a se ka a teba thata.
- Le se ka la nna le diphoso tsa mofuta ofe.
- Le fe tshedimosetso ya se go buiwang ka sona.
- Aterese ke ya mokwadi fela.

**Se se lebeletsweng mo motlhatlhojweng:**

- Aterese e nne nngwe ya mokwadi.
- Ditumediso di kwalwe.
- Tlhagisa dintlha tseo di diragetseng ka letsatsi la dikgaisano.
- Bokhutlo e nne jo bo maleba jo bo solofetsweng.
- Mokwadi a kwale leina la gagwe fela.

[25]

**2.2 LEKWALO LA KOPO**

Lekwalo la semmuso ke le le kwalelwang setheo sengwe se se rileng. Mokwadi o kopa sengwe e ka nna phatlhatiro kgotsa thuso ya mokgwa mongwe: a ka ngongorega, a akgola kgotsa a gomotsa mo maamong a mangwe.

**Dintlha tse di tshwanetseng go elwa tlhoko fa go tshwaiwa lekwalo la semmuso:**

- Lekwalo le, le le khutshwane, le na le dintlhakgolo ka ga se se batliwang kgotsa se se kopiwang.
- Go se ka ga nna le diphoso tsa mofuta ofe mo lekwalong le.
- Le nne le tshedimosetso ya se go buiwang ka sona.
- Diaterese di pedi, ya mokwadi le ya moamogedi.
- Le nne le dinomere tsa mogala kwa mokwadi a ka fitlhelwang gona.

**Se se lebeletsweng mo motlhatlhojweng:**

## Memorantamo–Mophato 10

- Aterese ya mokwadi le ya moamogedi.
- Tumediso le setlhogo di kwalwe.
- Tlhagise kopo le gore e lebisitswe go bomang.
- Bokhutlo e nne jo bo solofetsweng.
- Tlhagiso ya leina/ditlhakaina le sefane. Dinomoro tsa mogala.

[25]

**2.3****MMUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba buisana ka ga dikakanyo kgotsa ka ga setlhogo sengwe se se rileng. Sebopego sa ona ke sa dipotsotherisano fela ona o dirisiwa gongwe le gongwe ke mongwe le mongwe.

**Dintlha tse di tshwanetseng go elwa tlhoko:**

- Mmuisano o kwalwa ka mokgwa o moterama a kwalang ka ona.
- Go nna le dibui di le pedi kgotsa go feta.
- Diteng di supe boithamedu, kelelo ya dintlha le go tsamaelana ga ditiragalo.
- Maina a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonno di tsamaelane le ditiragalo.
- Matshwao a puiso a tsamaelane le puisano.

**Se se lebeletsweng mo motlhatlhojweng:**

- Setlhogo se supe gore mmuisano ke ka ga eng.
- Matseno e nne a a kgodisang.
- A go nne le kelelo ya dipotso le dikarabo.
- Diteng tsa mmuisano di se fapoge setlhogo.
- Bokhutlo e nne jo bo maleba ka se se solofetsweng.

[25]

**2.4****ATHIKELE YA LOKWALODIKGANG.**

Ke lokwalo lo go kwalwang sengwe se go bonwang se le botlhokwa go kwala ka ga sona. Diathikele tsa lokwalodikgang di tlhagisa dilo tse di ratwang le tse di sa ratweng.

**Dintlha tse di tshwanetseng go elwa tlhoko:**

- Setlhogo se gogele le go kgatlhisa.
- Maina, mafelo, dinako, maemo le tshedimose tso nngwe le nngwe e botlhokwa, mme di tshwanetse go akarediwa mo athikeleng.

## Memorantamo–Mophato 10

- Athikele e tshwanetse go tsosolosa kgatlhego le go tshwana le papatso.

**Se se lebeletsweng mo motlhatlhojweng:**

- Setlhogo se se maleba, se se gogelang le go kgatlhisa.
- Leina la mokwadi le tlhagisiwe.
- Dilo tsa botlhokwa tse di amanang le kitso ka tshenyo e e diragetseng.
- Bokhutlo e nne jo bo maleba.

**[25]****2.5 TSA BOTSHELO JWA MOSWI**

Tsa botshelo jwa moswi ke tshedimose tso e e botlalo fela e le khutshwane ka ga botshelo jwa yo o tlhokofetseng.

**Dintlha tse di tshwanetseng go elwa tlhoko:**

- Neelana ka tshedimose tso e ntsi ka mo o ka kgonang ka teng fela e nne maleba.
- Tlhagisa tshedimose tso e e tletseng ka dintlha tse di latelang:
- Leina la moswi, letlha la matsalo, boemo jwa tsalo, batsadi, boago, dithutego, tiro, seabe mo setšhabeng (fa go tlhokega), kemo ya nyalo(fa go tlhokega), bana fa ba le teng, sebakwa sa loso, ba a ba tlogelang kwa morago, kgangnyana e balelapa ba tla ikgopotsang moswi ka yona, leboko la thoriso la gaabo (fa go tlhokega) le mafoko a go robatsa moswi.

**Se se lebeletsweng mo motlhatlhojweng:**

- Setlhogo se nne le leina la moswi ka botlalo.
- O tshotswe leng kwa kae?
- Dikolo tse a di tseneng.
- Maemo a nyalo le bana.
- Tlhagisa le letlha le a tlhokofetseng ka lona le se se bakileng loso.
- Tiriso ya phefofatso.
- Bokhutlo e nne jo bo maleba ka se se solofetsweng.

**[25]**

**2.6 PUO**

Puo ke karolo e e botlhokwa ya go fatlhosa. Mo mabakeng a mantsi motho o neelana ka puo mo dikopanong kgotsa meletlong. Puo ya go bua le setšhaba e farologana le ya go bua le setlhotshwana sa batho. Palo ya mafoko a yona e nne 180–200 diteng fela.

**Dintlha tse di tshwanetseng go elwa tlhoko fa go tshwaiwa pegelo:**

- Matseno, mmele le bokhutlo.
- Maikaelelo a kopano.
- E kwalwa ka pakapheti.
- Mofuta wa kopano e o yang go bua kwa go yona.
- Dintlha di se ke tsa phatlhalala.
- Dipolelo tse dikhutshwane ka dikakanyo tse di bonolo.
- Tiriso ya dikao tse di tlwaelegileng.
- Ditebogo go bareetsi kwa bokhutlong.
- Tiriso ya puo e senole kgolo, go se nne le ditlhapa le tshotlo.

**Se se lebeletsweng mo motlhatlhojweng:**

- Setlhogo sa puo
- Ditumediso go bareetsi le ditebogo tsa ba ba tlileng kopanong.
- Tshimologo e nne maatla, e ngoke theetso. E ka nna motlae kgotsa nopolo.
- A tlhagise tseo a ka tswang a ithutile tsona go tswa mo go bona le tseo a ba rotloetsang ka tsona.
- Bokhutlo e nne jo bo solofetsweng.

**[25]****PALOGOTLHE YA KAROLO YA B: 50  
PALOGOTLHE YA TLHATLHOBO: 100**